

**Հ. Լ. ՓԱՀԼԵՎԱՆՅԱՆ, Իրանահայ համայնքը (1941—1979 թթ.), Երևան, ՀնՍՀ ԳԱ հրատ., 1989, 331 էջ:**

Մեր պատմական միտքը ցարդ քիչ է անդրադարձել սփյուռքահայ համայնքների պատմության ուսումնասիրման կարևոր խնդրին: Անբավարար է ուսումնասիրված ինչպես արտաքին, այնպես էլ ներքին սփյուռքի պատմությունը: Ասվածը լիովին վերաբերում է նաև հայկական հնագույն գաղթախններից մեկին՝ իրանահայ համայնքին: Հայ-իրանական տնտեսական, քաղաքական և հոգևոր փոխադասությունները հազարամյակների պատմություն ունեն: XV-XVII դ. սկզբից իրանահայ համայնքն անգնահատելի դեր է խաղացել այդ երկրի տնտեսական, քաղաքական և մշակութային կյանքում:

Իրանահայության հարուստ պատմության առանձին դրվագներ հանգամանորեն լուսաբանված են ինչպես խորհրդահայ, այնպես էլ իրանահայ հեղինակների գործերում: Նշանակալի ավանդ ունեն նաև պարսիկ հեղինակները: Սակայն ներկայումս առաջին պլան է մղվում ոչ թե առանձին համայնքների պատմության դրվագային ուսումնասիրությունը, այլ դրանց ընդգրկուն և ամբողջական պատմության շարադրումը:

Այսօր ընթերցողի սեղանին է Հ. Փահլևանյանի արժեքավոր մենագրությունը: Ժամանակագրական առումով այն ընդգրկում է իրանահայ համայնքի նորագույն պատմության առավել ուշագրավ հատվածը, երբ Ռեզա շահի բռնապետության տապալման հետևանքով երկրում ստեղծված քաղաքական նոր իրավիճակը բարենպաստ պայմաններ էր ստեղծում առկային փոքրամասնությունների և մասնավորապես հայ համայնքի ազգային-հոգևոր զարգացման համար:

Հեղինակին հաջողվել է հայերեն, պարսկերեն, ինչպես նաև այլալեզու հարուստ աղբյուրների և զբաղակալության մանրակրկիտ ուսումնասիրության հիման վրա ներկայացնել իրանահայ համայնքի 1941—1979 թթ. համակողմանի և ընդգրկուն պատմությունը, բացահայտել նրա զարգացման հիմնական օրինաչափությունները: Իրանահայության պատմությունը շարադրված է իրանի սոցիալ-տնտեսական, քաղաքական ու մշակութային պատմության լայն ֆոնի վրա, ինչը հնարավորություն է տալիս օբյեկտիվ պատկերացում կազմել հասարակական այն միջավայրի մասին, ուր գտնվում էր հայ համայնքը:

Աշխատության առաջին գլխում հանգամանորեն համադրելով իրանահայերի թվաքանակի մասին բազմաթիվ հակասական և իրարամերժ տվյալները, հեղինակը ցույց է տալիս, որ խնդրո առարկա ժամանակաշրջանում իրանահայերի թիվը զրեթե կրկնապատկվել էր, իրանի իսլամական հեղափոխության նախօրյակին հասնելով շուրջ 200 հազար մարդու (էջ 40): Դա գերազանցապես համայնքի ներքին աճի արդյունք էր, առավել ևս, եթե նկատի ունենանք, որ 1946 թ. սկսված հայրենադարձության հետևանքով մեծ քանակությամբ իրանահայեր արտագաղթեցին խորհրդային Հայաստան:

Անդրադառնալով իրանահայության տեղաբաշխման հարցին, հեղինակը վիճակագրական հարուստ տվյալների հիման վրա ցույց է տալիս, որ երկրորդ համաշխարհային պատերազմից հետո համայնքի ներսում տեղի է ունենում բնակչության զգալի տեղաշարժ: Իրանահայության ավանդական կենտրոնավայրերը՝ Հյուսիսային (Թավրիզ կենտրոնով) և հարավային (Նոր Զուղա կենտրոնով) շրջաններն աստիճանաբար կորցնում են իրենց նախկին նշանակությունը: Դրա փոխարեն աճում էր մայրաքաղաք Թեհրանի դերը: 1946 թ. ստեղծվում է համայնքի նոր՝ կենտրոնական շրջանը, Թեհրան կենտրոնով, որն, ինչպես իրավացիորեն նշում է հեղինակը, «...իր նշանակությամբ, բնակչության թվով ու կազմակերպվածության տեսակետից ներկայումս առաջատար դեր ունի և կազմում է իրանահայ համայնքի կորիզը» (էջ 20): 1979 թ. իրանում բնակվող հայերի 78,5 %-ը բնակվում էր կենտրոնական, 9-ը՝ Հյուսիսային, իսկ 12,5-ը՝ հարավային շրջաններում (էջ 40):

Միանգամայն փաստարկված է Հ. Փահլևանյանի այն տեսակետը, որ նշված ժամանակաշրջանում համայնքի ներսում տեղի էին ունենում զգալի կառուցվածքային փոփոխություններ: Իրանում կապիտալիստական հարաբերությունների զարգացումը և քաղաքների աճը մեծ չափով խթանում էին քաղաքային հայ բնակչության աճը: Այսպես, եթե 1944—45 թթ. իրանահա-

յություն ճշգրիտ մեծամասնությունը գյուղի բնակիչներ էին, ապա 20-ական թվականների վերջին նրա շուրջ 95 % -ը կամ մոտ 190 հազարը կազմում էին քաղաքայինները (էջ 41)։

Հաջորդ րաժինը նվիրված է համայնքի սոցիալ-տնտեսական և իրավական վիճակի քննությունը Դժբախտաբար պաշտոնական վիճակագրական տվյալների բացակայությունը հեղինակին հնարավորություն չի տալիս սոցիալական ստույգ տարաբաժանում անցկացնել, սակայն բազմաթիվ փաստերի համեմատական քննության շնորհիվ հեղինակը հանգում է այն ճիշտ հետևություն, որ Իրանի քաղաքային հայ բնակչության մոտ 55 % -ը պատկանում էր մանր կապիտալիստական կապիթալին, Դրանք հիմնականում արհեստավորներ էին, առևտրի, արդյունաբերության և սպասարկման ոլորտի մանր ձեռնարկատերեր։ Միևնույն ժամանակ հայ խոշոր առևտրաարդյունաբերական բուրժուազիան, շնայած իր փոքրաթվությունը, նշանակալի դեր էր խաղում ներքին տնտեսական կյանքում և զգալի կապիտալներ է ներդրել Իրանի արդյունաբերության, շինարարության և սպասարկման բնագավառներում։

Հայ համայնքի սոցիալական կառուցվածքի բնորոշ առանձնահատկությունը մտավորականության նկատման շերտի առկայությունն էր։ Այն կազմում էր համայնքի ողջ բնակչության շուրջ 10 % -ը, Դրանք հիմնականում «ազատ» մասնագիտությունների ներկայացուցիչներ էին՝ բժիշկներ, իրավաբաններ և այլն։ Միանգամայն իրավացի է հեղինակը, նշելով, որ բարեփոխումների շրջանում՝ 1960-ական թվականներին, ազգային փոքրամասնությունների նկատմամբ կիրառվող սահմանափակումների վերացումը նպաստավոր պայմաններ ստեղծեց հայ մտավորականության զարգացման համար։

Իրանական արդյունաբերության զարգացման և գյուղացիների հողագրկման պրոցեսին դուրսեցնելով աճում էր հայ բանվորության թիվը։ Սոցիալական այս խավին բաժին էր ընկնում քաղաքային հայ բնակչության մոտ 28 % -ը, Հատկանշական է, որ նրանց շրջանում ղգալի թիվ էին կազմում բարձր որակավորում ունեցող բանվորական կադրերը։

Քննության առնելով գյուղական հայ բնակչության սոցիալական դրությունը, Հ. Փահլևանյանը հանգում է այն եզրակացության, որ օտարերկրյա կապիտալի ներթափանցման և ապրանքարամական հարաբերությունների զարգացման հետևանքով տեղի էր ունենում սոցիալական շերտավորման բուռն պրոցես, որի անմիջական հետևանքը գյուղացիական լայն խավերի հողազրկումն էր, նրանց կախյալ վիճակի ուժեղացումը։ Ուրվագծելով հայկական գյուղերի սոցիալական շերտավորման պատկերը (էջ 61—64), հեղինակը հանգամանորեն ներկայացնում է գյուղական հայ բնակչության ամենաստվարաթիվ խավի՝ լքավոր գյուղացիության տնտեսական ծանր վիճակը, դա համարելով դեպի քաղաք գյուղացիության դանդաղ ծախյի գաղթի հիմնական պատճառը (էջ 64—64)։

Իրանահայ համայնքն ուներ որոշակի ինքնավարություն։ Աղյուսների մանրակրկիտ ուսումնասիրության հիման վրա Հ. Փահլևանյանը ցույց է տալիս, որ ղեկավար XX դ. սկզբից մասամբ սահմանափակվեց թեմական առաջնորդների իշխանությունը։ Հիմնվեցին ընտրովի թեմական խորհուրդներ և մշակվեցին թեմական կանոնադրություններ։ Բարձր դեմահատելով թեմական խորհուրդների դերը, հեղինակն իրավացիորեն գտնում է, որ նրանք համայնքի բոլոր հայերի համար վարչական գլխավոր մարմնի դեր չէին կարող տանել, որովհետև միավորում էին միայն առաքելական եկեղեցու անդամներին, մինչդեռ Իրանում բնակվում էին զգալի քանակությամբ հայ կաթոլիկներ, բողոքականներ, դալստականներ (շաբաթականներ) և ունիթորներ։ Մինչև 1956 թ. համայնքի թեմերը ենթարկվում էին էքսիսմի Ամենայն հայոց կաթողիկոսությանը։ Սակայն 50-ական թվականների վերջից նրանք անջատվեցին Մայր Աթոռից և ձևակերպեցին իրենց կապը Անթիլիասի հետ։ Լիովին կարելի է կիսել պատմաբանի այն տեսակետը, որ այդ խզման հիմնական պատճառը հետադիմական շրջանների հակախորհրդային դիրքորոշումն էր։

Հեղինակը զգալի տեղ է հատկացրել իրանական վարչակարգի ազգային քաղաքականության լուսաբանմանը (էջ 93—112)։ Հանգամանորեն վերլուծելով ազգային փոքրամասնությունների և մասնավորապես հայերի նկատմամբ կիրառվող խտրական քաղաքականությունը, նա համոզիվ փաստերով ցույց է տալիս, որ նույնիսկ ռեզաշահյան բռնապետության տապալումից հետո էլ շարունակվում էր ազգային փոքրամասնությունների իրավունքների սահմանափակման քաղաքականությունը։ Ընդ որում, ազգային փոքրամասնությունները չէին ճանաչվում որպես այդպիսին և հանդես էին գալիս կրոնական փոքրամասնություններ անվան տակ։ Միայն 60-ական թվականների բուրժուական վերափոխումների շրջանում այդ սահմանափակումները մասամբ վերացվեցին։



Աշխատության երրորդ գլխում Հ. Փաշինյանը քննության է առնում իրանահայերի բաղ-  
մաթիվ հասարակական կազմակերպությունների գործունեությունը, նրանց մասնակցությունը  
երկրի հասարակական-քաղաքական կյանքին: Գնահատելով բազմաթիվ մշակութային, երի-  
տասարդական, բարեգործական և այլ կազմակերպությունների գործունեությունը, հեղինակը  
հանգում է այն ճիշտ հետևության, որ «...չնայած իրենց սկզբունքային տարածայնությամբ  
իրեն, այնուհանդերձ դրանք նեցուկ են հանդիսացել համայնքի երիտասարդության շրջանում  
հայապահպանման, մայրենի լեզվի ամրապնդման, կրթության բարելավման, ազգային մշա-  
կույթի ու գրականության բարգավաճման գործում» (էջ 146): Հատկապես զնահատելի են առա-  
ջադիմական կազմակերպությունների շանքերը համայնքի առողջ ուժերի համախմբման, Համա-  
իրանական ազգային խորհրդի և Ազգային ճակատի ստեղծման ուղղությամբ:

Իրանահայության կյանքում կարևոր հասարակական-քաղաքական իրադարձություն էր  
հայրենադարձությունը, որն սկսվեց 1946 թ.: Հայրենադարձության մասին որոշումն արագո-  
րեն տարածվեց համայնքում և մեծ խանդավառություն առաջացրեց: 1946—82 թթ. Իրանից Հայաս-  
տան է հայրենադարձվել շուրջ 45 հազար հայ: Հատկանշական է, որ զանգվածային հայրե-  
նադարձության ժամանակ ամենամեծ տոկոսը բաժին էր ընկնում Իրանին:

Աշխատության վերջին բաժնում Հ. Փաշինյանը բազմակողմանի ու խորը քննության է  
ենթարկում համայնքի հոգևոր-մշակութային կյանքը: Կասկած չի հարուցում այն փաստը,  
որ և՛ հայրենիքում, և՛ հատկապես սփյուռքում հայապահպանական հիմնական գործոնը ազ-  
գային դպրոցների գոյությունն է: Հեղինակը մանրակրկիտ տեղեկություններ է հաղորդում հայ-  
կական դպրոցների թվի, ուսման պրոցեսի, նյութական վիճակի մասին: Դրական երևույթ հա-  
մարելով Ռեզա շահի կողմից 1936 թ. փակված ազգային դպրոցների վերաբացումը 1942—  
1943 թթ. (Թավրիզում՝ 1956—57 թթ.), Հ. Փաշինյանը միևնույն ժամանակ ցույց է տալիս,  
որ հայկական դպրոցները միայն աշակերտների ազգային կազմով էին այդպիսին, որովհետև  
ուսուցումը պարսկերեն էր, իսկ հայերենը ուսումնասիրվում էր ծրագրից դուրս (էջ 191):

Ուսումնասիրվող ժամանակաշրջանում իրանահայ համայնքն ապրում էր մշակութային  
ակտիվ կյանքով: Հայազգի գործիչները նշանակալի ավանդ են ներդրել իրանական մշակույթի  
զարգացման գործում: Հեղինակը մասնավորապես բարձր է գնահատում հայերի դերը իրանա-  
կան կինոարվեստի, պարարվեստի, ինչպես նաև օպերային արվեստի և այլ բնագավառներում:

Հ. Փաշինյանի մենագրությունը զերծ չէ նաև մասնակի թերություններից: Մանրամաս-  
նորեն քննարկելով համայնքի հասարակական-քաղաքական կազմակերպությունների գործունեու-  
թյունը (էջ 113—124), նա թուցիկ է անդրադառնում հայկական քաղաքական կուսակցու-  
թյունների գործունեությանը, ցույց չի տալիս նրանց դիրքորոշման մեջ տեղի ունեցած տե-  
ղաշարժերը: Մինչդեռ նրանք զգալի քաղաքական ուժ էին ներկայացնում և անհրաժեշտ էր  
ավելի հստակ գնահատել նրանց գործունեությունը: Իրանահայերի՝ հիմնականում քաղաքա-  
բնակների սոցիալ-տնտեսական գրության վերլուծությունը հիմնականում ընդհանուր բնույթ է  
կրում, հեղինակը չի բացահայտում նրանց սոցիալական տարաբաժանման արմատական տար-  
բերությունները իրանականից: Հանուն ճշմարտության անհրաժեշտ է նշել, որ դա հիմնակա-  
նում նյութի սակավության արդյունք է: Որոշ հատվածներ շարադրելիս հեղինակը զգալի չա-  
փով դուրս է եկել ուսումնասիրության ժամանակագրական սահմաններից, որի հետևանքով չա-  
րադրանքը ձգձգված է: Այս ամենը չի նսեմացնում աշխատության գիտական արժեքը: Այն  
նշանակալի ավանդ է իրանահայ պատմության ուսումնասիրման գործում:

Ս. Խ. ՍՏԵՓԱՆՅԱՆ

Պատմական գիտությունների թեկնածու